

Aruba a conoce un otro miyonario cu Lotto!

Diabierna anochi 6 di september tabata tin e sorteo miyonario di Mini Mega y Mega Plus. E numbernan ganado cu a sali e anochi ey ta: 14-19-24-26 y e Mega Ball: 01 y manera e resultado a wordo procesa a bin haya sa cu tin 1 solo ticket ganado cu a gana full e jackpot di Mini Mega y Mega Plus cu tabata na 1 miyon 725 mil florin y a wordo bendi na Lucky Dragon 2 na Bubali.

Awe diabierna, Aruba ta sera conoci cu e un otro feliz miyonario di Aruba cu Lotto, e loteria di Aruba. E feliz ganado a presenta na oficina di Lotto na Paardenbaaistraat 10 pa cobra e premio grandi aki cu el a gana cumprando numbernan loco.

Giselle a conta cu den pura el a cumpra su ticket di Mini Mega y Mega Plus diabierna pa asina e tambe por ta den wega y a pidi numbernan loco cu a bira e numbernan miyonario. Na juni ultimo tabata tin e prome miyonario di 2024 cu a ser gana cu numbernan loco cu e wega di Mini Mega y Mega Plus na Rockies Lottery Dakota. Despues na juli tabata tin un otro premio miyonario di Lotto 5 cu a wordo gana di e suma di 1 miyon 650 mil florin y e ticket ganado a wordo cumpra na Sunshine Lottery



pero e premio aki no a wordo cobra ainda y Lotto ta wardando e miyonario pa busca su premio.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganen di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Asina bon Nos Papiamento ta...?

Tocante 'ami' (mi), 'abo' (bo) y nan origen...

Den nos edicion di awe di nos articulo semanal atencion pa e uso, cu nos ta considera eroneo, di e forma di persona singular 'ami' y 'abo', cu nos sa topa de vez en cuando. Kico ta e caso? Nos ta haya por ehemplo un frase unda ta skirbi, 'a mi' na lugar di 'ami'.

E impresion cu nos tin ta cu e eror aki tin su origen den idioma Spaño, unda por tin un frase den cual tin uso di algo parecido pero cu no ta mescos y cu no ta origen tampoco di e 'ami' y 'abo' di nos Papiamento. Por ehemplo, e frase: "A mi no a haya ningun invitacion pa e fiesta ey." Nos por ta quiboca pero ta parce nos cu aki tin e pensamiento cu tin un similaridad cu Spaño: "A mí no me llegó ninguna invitación para esa fiesta." Pakico tin un diferencia clave aki? Na promer lugar, e forma di 'ami' y 'abo', tambe 'anos' y 'aboso' muy probablemente ta forma parti di nos idioma desde hopi tempran den su desaroyo. Indicacion di esaki ta cu e forma aki di e personanan singular y plural den nos idioma ta casi exactamente loke ta existi tambe den otro lenga deriva di Portugues, esta e 'Criol' di Guine Bissau y Cabo Verde. Den e idioma aki nan conoce, mescos cu den Papiamento, e dos forman banda di otro. Cerca nos nan ta: ami, mi; abo, bo; e (ele den cierto caso), anos, nos; aboso, boso; anan, nan. Na Criol di Guine nan ta: amí, n (pronuncia manera 'ng'), abó, bu; el, i; anós, nu; abós, bo; elis/elus, e.

Nos ta usa e forma 'ami', 'abo', 'anos' tambe pa enfatiza algo, por ehemplo cu un persona a haci algo, o a keda sin haci algo: "Nan a pega barco y anos mester a bin salba nan..." Tambe: "Ta abo mester a regla esey, y bo no a haci nada." Mescos cerca nos, e forma amí, abó, anós, abós, den e idioma di Guine ta ser usa pa enfatiza algo; esaki den forma di usa tur dos e forman tras di otro den e mesun frase: "Abó, bu ka na fika li?" (Abo, bo no ta keda aki?). Por cierto cu nos tambe conoce exactamente esaki, ora nos kier enfatiza algo. Den e probable contesta riba e pregunta anterior tanto den Papiamento como den Criol ta usa e forma acompañante: "Nao, n ka na fika." ("No, mi no ta keda.") Si na nos idioma Papiamento bo bisa: "No, ami no ta keda," ta pa enfatiza cu abo sigur no tin intencion di keda.

Ora nos bay explora mas den tanto Spaño como Portugues, nos ta yega posiblemente na e origen di e 'ami' y 'abo', etc. Anteriormente nos a usa un frase caba na Spaño: "A mí no me llegó ninguna invitación..." Portugues tambe conoce e forma aki, por ehemplo: "A mim ninguém disse nada." Esey probablemente a sirbi como base pa e 'amí' den e Portugues criouisa, mientras e 'a você' a crea e 'abó' di idioma di Guine.

Por cierto cu e forma aki no ta desconoci na Spaño, sigur no den e paisnan Latinoamericano cu ta mancha e forma antiguo ainda di 'vos' na lugar di 'tu'; por tende un persona bisa otro: "¿A vos no te dieron sesos para pensar?"

Awor, pa bolbe na e inicio di e exploracion aki; ta importante cu den nos idioma nos no conoce uso di 'a' como pronombre, salvo cierto expresion fiho: 'a proposito'; 'a la vez' cu awwendia nos ta skirbi na otro: alavez (alabes). Tambe cerca nos e 'a' ta sirbi como adicon na un verbo pa indica pasado: "Nos a bay caba."

Por ta cu asina e pronombre original 'a', a bira parti di e palabra cu ta indica e persona y no tin ningun relacion mas cu e pronombre original, cu ta den uso ainda den tanto Portugues como Spaño. Como cu ta trata di e cosnan mas basico di cualkier idioma, ta probable cu e 'ami' di Papiamento a cruza Atlantico varios siglo pasa caba y tabata forma parti di nos idioma desde inicio. Pa nos en todo caso, 'ami' y no 'a mi'.



VACATURE MELDING

Instituto Medico San Nicolas (ImSan) heeft als doelstelling het aanbieden en bevorderen van optimale medische zorg van klinische, poliklinische en ambulante aard en de toegankelijkheid daarvan voor alle burgers.

ImSan is op zoek naar enthousiaste PACU-Verpleegkundige voor haar Operatiecomplex.

PACU-Verpleegkundige M/V

Functie-inhoud:

Het deskundig en zelfstandig verlenen van patiëntenzorg en het assisteren van de anesthesioloog in de pre-, per- en postoperatieve fase middels het bewaken en al dan niet in directe opdracht van de anesthesioloog, bijsturen van de vitale lichaamsfuncties van patiënten tijdens behandelingen en onderzoeken.

Functie eisen:

1. HBO-Verpleegkundige, aangevuld met de specialisatie PACU, S.E.H. of ICU;
2. Minimaal 5 jaar relevante werkervaring op een acute afdeling van een ziekenhuis;
3. Stressbestendig, tactvol en in het bezit van inlevings- en aanpassingsvermogen;
4. Bereid om voor de dienst belangrijke cursussen te volgen;
5. Zelfstandig en in team verband kunnen werken;
6. Gemotiveerd, enthousiast en flexibele instelling;
7. Bij voorkeur in het bezit van een geldig BLS/ACLS/PALS certificaat, dan wel bereid deze cursussen te volgen.

Gaarne uw verzoekschrift + C.V. voor 23 september 2024 te richten aan mevrouw E. Campbell-Duijm, Pastoor Hendrikstraat 10, San Nicolas, Aruba. E-mail: e.duijm@imsan.aw onder vermelding van "PACU-Verpleegkundige".

redefining patient care